



Broj: 01-31/21
Vareš, 25.02. 2021. godine

Z A P I S N I K
*s Konstituirajuće – 1. sjednice Općinskog vijeća Vareš,
održane 14.01. 2021. godine*

Nikola Šimić – zamjenik predsjedavajućeg OV iz prethodnog saziva Općinskog vijeća Vareš obratio se prisutnim i pozdravio sve prisutne, građane i medije.

Otvorio je Konstituirajuću – 1. sjednicu s početkom u 14,00 sati, u velikoj sali Općine Vareš.

Prisutni novoizabrani vijećnici: Ajanović Mirnes, Begović Nurdin, Berberović Maja, Brkić Mahira, Brkić Amela, Čizmo Asmir, Dodik Dario, Franjić Zdenko, Hajrić Nazif, Hinger Igor, Ibrišimović Šaban, Islamović Emir, Memić Salih, Mirčić Mario, Mušanović Nedžad, Rizvanović Malik, Šimić Nikola i Zubača Edib.

Odsutni: Beganović Sahudina.

Pored vijećnika sjednici prisustvuju: Općinski načelnik – Zdravko Marošević, sekretar Općinskog vijeća - Leon Pavlović, pomoćnici općinskog načelnika – Ermin Musa i Čedomir Jelić, rukovodilac JURA - Rusmir Berberović, predsjednici političkih stranaka i predstavnici medija.

Ad. 1.

(Odluka Centralne izborne komisije BiH o potvrđivanju rezultata lokalnih izbora 2020. godine i Informacija Općinske izborne komisije Vareš o provedenim lokalnim izborima u BiH 15.11.2020. godine na području općine Vareš).

Zamjenik predsjedavajućeg OV konstatovao je da je Vijeće **primilo k znanju** Odluku Centralne izborne komisije BiH o potvrđivanju rezultata lokalnih izbora 2020. godine i Informaciju Općinske izborne komisije Vareš o provedenim lokalnim izborima u BiH 15.11.2020. godine na području općine Vareš

Ad. 2.

(Uručivanje Uvjerenja o dodjeli mandata)

Predsjednica OIK-e Vareš Stela Terzić uručila je Uvjerenja o dodjeli mandata Općinskom načelniku i vijećnicima.

Ad. 3.

(Davanje i potpisivanje SVEČANE IZJAVE i IZJAVE o upoznavanju i prihvatanju Etičkog kodeksa od strane vijećnika s ovjerenim mandatima)

Zamjenik predsjedavajućeg OV pozvao je novoizabrane vijećnike da pristupe davanju svečane izjave. Zamjenik predsjedavajućeg OV pristupio je čitanju teksta **Svečane izjave**, a svi vijećnici su zajednički dali, a nakon toga pojedinačno potpisali **Svečanu izjavu**.

Vijećnici su pojedinačno potpisali i Izjavu o upoznavanju i prihvatanju Etičkog kodeksa u budućem radu.

Nikola Šimić u funkciji zamjenika predsjedavajućeg OV u starom sazivu, čestitao je novoizabranim vijećnicima i zaželio im uspješno obavljanje vijećničkih obaveza.

Zamjenik predsjedavajućeg OV stavio je na raspravu prijedlog dnevnog reda za Konstituirajuću 1. sjednicu OV koji je usaglašen na Međustranačkom sastanku.

Nije bilo rasprave i zamjenik predsjedavajućeg OV stavio je na izjašnjavanje prijedlog dnevnog reda za Konstituirajuću 1. sjednicu OV.

Nakon izjašnjavanja vijećnika zamjenik predsjedavajući OV konstatuje da **je jednoglasno (18 glasova „ZA“) usvojen sljedeći**

Dnevni red

- 1. Odluka Centralne izborne komisije BiH o potvrđivanju rezultata lokalnih izbora 2020. godine i Informacija Općinske izborne komisije Vareš o provedenim lokalnim izborima u BiH 15.11.2020. godine na području općine Vareš.**
Izjavitelj: OIK
- 2. Uručivanje Uvjerenja o dodjeli mandata.**
- 3. Davanje i potpisivanje SVEČANE IZJAVE i IZJAVE o upoznavanju i prihvatanju Etičkog kodeksa od strane vijećnika s ovjerenim mandatima.**
- 4. Izbori:**
 - a) Komisije za izbor i imenovanje,**
 - b) Predsjedavajućeg Općinskog vijeća Vareš,**
 - c) Zamjenika predsjedavajućeg Općinskog vijeća Vareš.**
- 5. Prijedlog Odluke o privremenom finansiranju potreba Općine Vareš za period od 1. januara/siječnja do 31. marta/ožujka 2021.godine.**
Izjavitelj: Općinski načelnik.

6. **Prijedlog Odluke o subvencioniranju mjesečne karte vozara MSŠ „Nordbat-2“ Vareš sa područja općine Vareš.**
Izvjestilac: Općinski načelnik.
7. **Izvještaj o realizaciji Programa rada Općinskog vijeća Vareš za 2020. godinu.**
Izvjestilac: Sekretar OV.
8. **Prijedlog Programa rada Općinskog vijeća Vareš za 2021. godinu.**
Izvjestilac: Sekretar OV.
9. **Informacija o postignutom uspjehu u školskoj 2019/2020. godini u OŠ „Vareš“, OŠ „Vareš Majdan“ i MSŠ „Nordbat-2“ Vareš.**
Izvjestilac: Čedomir Jelić.
10. **Informacija o provođenju Strategije razvoja kulture, turizma i sporta na području općine Vareš za period 2019-2024. godine, za 2019. godinu.**
Izvjestilac: Čedomir Jelić.
11. **Informacija o provođenju Strategije omladinske politike na području općine Vareš za period 2019-2024. godine, za 2019. godinu.**
Izvjestilac: Čedomir Jelić.
12. **Tekuća pitanja.**

Ad. 4.

(I z b o r i:)

a) Komisija za izbor i imenovanje

Poslovníkom o radu Općinskog vijeća Vareš predviđeno da Komisija za izbor i imenovanje broji po jednog vijećnika iz svake političke stranke koja je zastupljena u OV, a stranke su dostavile prijedloge svojih kandidata, što je usaglašeno na međustranačkom sastanku.

Zamjenik predsjedavajućeg OV otvorio je raspravu o Prijedlogu Rješenja, kojeg su vijećnici dobili u materijalu.

Nije bilo rasprave i zamjenik predsjedavajućeg OV stavio je na izjašnjanje Prijedlog Rješenja o izboru članova Komisije za izbor i imenovanja.

Nakon izjašnjanja vijećnika predsjedavajući OV konstatuje da je **jednoglasno usvojeno (18 glasova „ZA“)**

Rješenje o izboru članova Komisije za izbor i imenovanja

i izabrani su:

1. **Dodik Dario, predsjednik – NV,**
2. **Ibrišimović Šaban, zamjenik – A-SDA,**
3. **Šimić Nikola, član – HDZ,**
4. **Berberović Maja, član – DF,**
5. **Islamović Emir, član – SDA,**
6. **Begović Nurdin, član – SBB,**
7. **Čizmo Asmir, član – NB i**
8. **Franjić Zdenko, član – SDP.**

b) Izbor predsjedavajućeg Općinskog vijeća Vareš

Komisiji su pristigli pismeni prijedlozi od stranaka zastupljenih o OV i to:
-za predsjedavajuću OV – Mahira Brkić - prijedlog stranki SBB, A-SDA i Nezavisnog bloka i

-za zamjenika predsjedavajuće OV – Mirnes Ajanović - prijedlog stranki SDP, A-SDA i Nezavisnog bloka.

Zamjenik predsjedavajućeg OV pozvao je vijećnike i predsjednike političkih stranaka da se izjasne ako neko ima nove prijedloge za kandidate za predsjedavajućeg i zamjenika predsjedavajućeg OV.

Nije više bilo prijedloga i zamjenik predsjedavajućeg OV dao je pauzu u trajanju od 15 minuta kako bi Komisija za izbor i imenovanja razmotrila prijedloge za predsjedavajuću i zamjenika predsjedavajuće Općinskog vijeća.

Nakon pauze i održane sjednice Komisije za izbor i imenovanje, Vijeće je nastavilo sa radom sjednice.

Zamjenik predsjedavajućeg OV upoznao je prisutne sa Zapisnikom Komisije za izbor i imenovanje, a isti je podijeljen vijećnicima.

Komisija je predložila da se o kandidatu za predsjedavajuću OV – Mahiru Brkić –SBB Općinsko vijeće izjasni javno, kao i za kandidata za zamjenika predsjedavajuće Mirnesa Ajanović – SDP.

Zamjenik predsjedavajućeg OV podsjetio je prisutne na odredbe Statuta Općine Vareš-Prečišćeni tekst i Poslovnika o radu OV (Novi prečišćeni tekst), koji se odnosi na način glasanja (tajno ili javno) za predsjedavajućeg i zamjenika predsjedavajućeg OV.

Zamjenik predsjedavajućeg OV stavio je na izjašnjavaње prijedlog o načinu izjašnjavaња i nakon izjašnjavaња vijećnika konstatuje da je **Vijeće jednoglasno (18 glasova „ZA“) prihvatilo prijedlog** da će se o izboru predsjedavajuće OV izjasniti **javnim glasanjem.**

Zamjenik predsjedavajućeg OV je konstatovao da kandidat Mahira Brkić prihvata prijedlog kandidata za predsjedavajuću OV, te je stavio je na izjašnjavaње prijedlog kandidata **Mahire Brkić – SBB za predsjedavajuću OV Vareš.**

Nakon izjašnjavaња vijećnika zamjenik predsjedavajućeg konstatuje da je prijedlog dobio **12 glasova „ZA“ i 6 „SUZDRŽANIH“ glasova.**

Zamjenik predsjedavajućeg OV konstatuje da je na osnovu izvršenog glasanja, **Mahira Brkić kandidat SBB, izabrana za predsjedavajuću Općinskog vijeća Vareš.**

Zamjenik predsjedavajućeg OV Nikola Šimić čestitao je i predao dužnost daljnjeg vođenja sjednice novoizabranoj predsjedavajućoj OV Mahiri Brkić.

Novoizabrana predsjedavajuća OV Mahira Brkić pozdravila je sve prisutne i zahvalila se svima na ukazanom povjerenju.

Predsjedavajuća OV Mahira Brkić nastavila je dalje vođenje sjednice.

c) Izbor zamjenika predsjedavajućeg Općinskog vijeća Vareš

Predsjedavajuća OV stavila je na izjašnjavanje prijedlog o načinu glasanja i nakon izjašnjavanja vijećnika konstatuje da je **Vijeće jednoglasno (18 glasova „ZA“)** prihvatilo prijedlog da će se o izboru zamjenika predsjedavajuće OV izjasniti **javnim glasanjem**.

Predsjedavajuća OV je konstatovala da kandidat Mirnes Ajanović prihvata prijedlog za zamjenika predsjedavajuće OV, te je stavila je na izjašnjavanje prijedlog kandidata **Mirnes Ajanović – SDP za zamjenika predsjedavajuće OV Vareš**, te nakon izjašnjavanja vijećnika konstatuje da je prijedlog dobio **12 glasova „ZA“ i 6 „SUZDRŽANIH glasova**.

Predsjedavajuća OV konstatuje da je na osnovu glasanja, a u skladu sa Poslovníkom, **Mirnes Ajanović kandidat SDP, izabran za zamjenika predsjedavajuće Općinskog vijeća Vareš**.

Novoizabrani zamjenik predsjedavajuće OV Mirnes Ajanović u svom obraćanju pozdravio je sve prisutne i zahvalio se svima na ukazanom povjerenju.

Predsjedavajuća OV dala je riječ Općinskom načelniku Zdravku Marošević da se obrati Vijeću.

Općinski načelnik Zdravko Marošević u svom kratkom obraćanju čestitao je novoizabranim vijećnicima i poželio im uspješan rad. Zahvalio se bivšim vijećnicima na saradnji.

Ad. 5.

(Prijedlog Odluke o privremenom finansiranju potreba Općine Vareš za period od 1. januara/siječnja do 31. marta/ožujka 2021.godine.)

Predlagač nije imao dodatno pojašnjenje.

Otvorena je rasprava u kojoj su svoje stavove i mišljenja iznijeli vijećnici: Emir Islamović (*Klub SDA podnio je zahtjev za dostavu podataka kako bi realno sagledali ovu Odluku, odgovor nije dostavljen i Klub će prilikom izjašnjavanja po ovoj Odluci biti suzdržan*) i predsjedavajuća OV Mahira Brkić koja je ukazala na manjkavosti u vezi zahtjeva te naglasila da predlagač nije prekršio bilo kakve zakonske normativne forme i kada bude završeno privremeno finansiranje u trajanju tri mjeseca, tada će biti eventualne potrebe za informacijom koja je tražena u zahtjevu).

Zaključena je rasprava i predsjedavajuća OV stavila je na izjašnjavanje Prijedlog Odluke o privremenom finansiranju potreba Općine vareš za period od 01.januara/siječnja do 31. marta/ožujka 2021. godine.

Nakon izjašnjavanja vijećnika predsjedavajuća OV konstatuje da je sa **12 glasova „ZA“**, i **6 „SUZDRŽANIH“** glasa usvojena

Odluka o privremenom finansiranju potreba Općine Vareš za period od 01.januara/siječnja do 31. marta/ožujka 2021. godine.

Ad. 6.

(Prijedlog Odluke o subvencioniranju mjesečne karte vozara MSŠ „Nordbat – 2“ Vareš sa područja općine Vareš.)

Ovlašteni predlagач Općinski načelnik dao je dodatno pojašnjenje za ovu tačku dnevnog reda i izvijestio Vijeće da će se u izradi prijedloga Budžeta za 2021. godinu, uvrstiti i sredstva za sufinansiranje mjesečne karte.

Otvorena je rasprava u kojoj su svoje prijedloge, sugestije, pitanja i mišljenja iznijeli vijećnici: Hajrić Nazif (postavio pitanje u vezi člana 6. koji se odnosi na izdavanje Rješenja i predložio dodavanje određenih kriterija) i predsjedavajuća OV Mahira Brkić koja je predložila *dopunu člana 2. da se iza riječi „općina Vareš“ dodaju riječi „ čiji prihodi po članu domaćinstva ne prelaze 600,00 KM i čiji članovi porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost registrovano kao privredno društvo.“*, i *dopuna člana 3. koja glasi: „Potvrda ili dokaz o prosječnim primanjima za posljednja tri mjeseca za svakog punoljetnog člana domaćinstva sa kućne liste, a za nezaposlene Uvjerenje Biroa za zapošljavanje, te kopiju zdravstvene knjižice za lica koja se ne vode na evidenciji Biroa.“*

Općinski načelnik u svom obraćanju izjavio je da prihvata predložene dopune.

Zaključena je rasprava i predsjedavajuća OV stavila je na izjašnjavanje Prijedlog Odluke o subvencioniranju mjesečne karte vozara MSŠ „Nordbat – 2“ Vareš sa područja općine Vareš uz predloženu dopunu.

Nakon izjašnjavanja vijećnika predsjedavajuća OV konstatuje da je **jednoglasno (18 glasova „ZA“)** usvojena

Odluka o subvencioniranju mjesečne karte vozara MSŠ „Nordbat – 2“ Vareš sa područja općine Vareš.

Ad. 7.

(Izveštaj o realizaciji Programa rada Općinskog vijeća Vareš za 2020. godinu.)

Sekretar OV Leon Pavlović dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Mario Mirčić, zamjenik predsjedavajuće OV Mirnes Ajanović (predložio da se pokrene procedura za izmjenu

odluke o visini naknade za vijećnike u smislu smanjenja istih) i predsjedavajuća OV Mahira Brkić (sugerisala je da gosp. Ajanović za narednu sjednicu Kolegija pripremi svoj prijedlog gdje će se Kolegij izjasniti i uvrstiti ga ili kao tačku dnevnog reda ili pod tekućim pitanjima. Inicijativu uputiti sa sljedeću sjednicu Kolegija OV).

Predsjedavajuća OV skrenula je pažnju na nerealizovane normativne cjeline iz Programa rada OV za 2020. godinu sa akcentom na Odluku o utvrđivanju površina za parkiranje motornih vozila.

Pomoćnik načelnika Službe za prostorno uređenje Ermin Musa u svom obraćanju izvijestio je Vijeće da je Odluka o utvrđivanju površina za parkiranje motornih vozila donesena u formi nacrt, formirana je radna grupa da se to uradi, ali to nikad nije završeno.

Zaključena je rasprava i predsjedavajuća OV stavila je na izjašnjavanje Izvještaj o realizaciji Programa rada Općinskog vijeća Vareš za 2020. godinu.

Nakon izjašnjavanja vijećnika predsjedavajuća OV konstatuje da je **jednoglasno (18 glasova „ZA“) usvojen**

***Izveštaj o realizaciji Programa rada
Općinskog vijeća Vareš za 2020. godinu.***

Ad. 8.

(Prijedlog Programa rada Općinskog vijeća Vareš za 2021. godinu.)

Sekretar OV dao je pojašnjenje za ovu tačku dnevnog reda i skrenuo pažnju vijećnicima da se u skladu sa Poslovníkom o radu OV, Program rada OV može mijenjati, odnosno dopunjavati.

Otvorena je rasprava u kojoj su učestvovali vijećnici: Zdenko Franjić (predložio da se Informacija o stanju napajanja električnom energijom razmatra u I kvartalu, o istom je dao pojašnjenje), Emir Islamović (podsetio je prisutne da Vijeće može održati i tematsku sjednicu kada postoji potreba za istom a sve u vezi rješavanja određenih problema) i predsjedavajuća OV Mahira Brkić (skrenula pažnju na tehničku grešku na str. 10 tačka 16.).

Sekretar OV odgovorio je na prijedlog vijećnika Zdenka Franjića i dao pojašnjenje.

Općinski načelnik u svom obraćanju izvijestio je Vijeće da očekuje posjetu menadžmenta Elektroprivrede BiH, gdje bi zajedno za PJ Elektrodistribucija Vareš bili prezentirani prijedlozi u vezi rješavanja problema vezano za električnu energiju i poboljšanja na istoj.

Pomoćnik načelnika Ermin Musa sugerisao je da se Informacija o napajanju električnom energijom za 2020. godinu razmatra u kvartalu u kojem je po Programu i planirana i da će Vijeću za narednu sjednicu biti dostavljena na razmatranje Informacija o napajanju električne energije za 2019. godinu, koja je dostavljena od Elektrodistribucije. Također će Vijeću biti dostavljeno i pismo kao odgovor od Elektrodistribucije, na naš upit koji smo im uputili. Na sjednicu OV bit će pozvani i predstavnici Elektrodistribucija.

Zaključena je rasprava i predsjedavajuća OV stavila je na izjašnjavanje Prijedlog Programa rada Općinskog vijeća Vareš za 2021. godinu.

Nakon izjašnjavanja vijećnika predsjedavajuća OV konstatuje da je **jednoglasno (18 glasova „ZA“)** usvojen

Program rada Općinskog vijeća Vareš za 2021. godinu.

Ad. 9.

(Informacija o postignutom uspjehu u školskoj 2019/2020. godini u OŠ „Vareš, OŠ „Vareš Majdan i MSS „Nordbat-2“ Vareš.)

Predlagač nije imao dodatno pojašnjenje.

Otvorena je rasprava u kojoj su svoja mišljenja u vezi uvođenja novih zanimanja u srednjoj školi iznijeli vijećnici: Nurdin Begović, Zdenko Franjić i Općinski načelnik Zdravko Marošević.

Predsjedavajuća OV sugerisala je vijećnicima koji imaju određene prijedloge u vezi rješavanja eventualnih problema (električna energija, obrazovanje i sl.), formalno – pravnim putem podnose inicijative Kolegiju OV kako bi eventualno bili razmatrani i upućeni na više nivoje vlasti. O istom je dala pojašnjenje.

Zaključena je rasprava i predsjedavajuća OV konstatuje uz **Zaključak da je Vijeće primilo k znanju**

Informaciju o postignutom uspjehu u školskoj 2019/2020. godini u OŠ „Vareš, OŠ „Vareš Majdan i MSS „Nordbat-2“ Vareš

Ad. 10.

(Informacija o provođenju Strategije razvoja kulture, turizma i sporta na području općine Vareš za period 2019-2024. godine za 2019. godinu.)

Predlagač nije imao dodatno pojašnjenje.

Otvorena je rasprava u kojoj su svoje sugestije, prijedloge i mišljenja iznijeli vijećnici: Dario Dodik (skrenuo pažnju na potrebu blagovremenog ažuriranja web stranice kada su u pitanju turističke ponude u našoj općini i aktivnije izvršavanje planiranih aktivnosti navedenih u Strategiji, unošenje podataka u Strategiju o podacima koji se odnose na kapacitete smješta i noćenja, o istom je dao pojašnjenje), Nurdin Begović (skrenuo pažnju na problem infrastrukture), zamjenik predsjedavajuće Mirnes Ajanović (sugerisao da se u red prioriteta moraju uvrstiti i putevi prema Bobovcu i ostalim turističkim destinacijama), Emir Islamović (predložio je da nadležne službe izvrše revidiranje Strategija i da se u narednom periodu Informacije dostavljaju sa kvalitativnim i kvantitativnim pokazateljima i procentualnom realizacijom strategija), Nikola Šimić (podržava mišljenje vijećnika Daria Dodik za potrebnom legalizacijom svih

objekata koji se koriste u turističke svrhe) i rukovodilac JURA Rusmir Berberović koji je izvijestio prisutne da će na narednoj sjednici OV, Vijeću biti dostavljen prijedlog odluke koja će se odnositi na davanje na upravljanje Kraljevskog grada Bobovac JU Centar za kulturu i edukaciju Vareš, o istom dao pojašnjenje.

Predsjedavajuća OV Mahira Brkić uputila je sugestiju Izvršnoj vlasti i nadležnim da sve sugestije i prijedloge koje su opravdane i koje su iznesene za govornicom, uvažavaju se i nadležni da bar daju pojašnjenje zašto nešto može a nešto ne može, kod izrade ovakvih Informacija

Zaključena je rasprava i predsjedavajuća OV konstatuje uz **Zaključak da je Vijeće primilo k znanju**

Informaciju o provođenju Strategije razvoja kulture, turizma i sporta na području općine Vareš za period 2019-2024. godine za 2019. godinu.

Ad. 11.

(Informacija o provođenju Strategije omladinske politike na području općine Vareš za period 2019-2024. godine, za 2019. godinu.)

Predlagač nije imao dodatno pojašnjenje.

Otvorena je rasprava u kojoj su svoje prijedloge, sugestije i mišljenja iznijeli vijećnici: Nurdin Begović (predložio zaključak da se Općina Vareš obaveže da u najkraćem mogućem roku odredi ili imenuje službenika za pitanja mladih iz reda trenutno zaposlenih u Općini Vareš.),

Općinski načelnik Zdravko Marošević (traži da vijećnik konkretno odredi koji bi to bili poslovi u službenika za mlade- opisu radnog mjesta) i Dodik Dario (sugerisao je da svi izvještaji koji se dostavljaju Vijeću na razmatranje, sadrže više informacija i podataka).

Predsjedavajuća OV Mahira Brkić predložila je da vijećnik Nurdin Begović i Načelnik kao predstavnik Izvršne vlasti, do sljedećeg Kolegija OV se usaglase u vezi prijedloga vijećnika. Ako se ne usaglase, vijećnik ima pravo na podnošenje bilo kakvog zaključka putem Kolegija i onda da to bude transparentno, ako treba i kao točka dnevnog reda i sl., ali da vijećnik uvaži sve ono o čemu je Načelnik govorio-da decidno bude obrazloženo šta je u opisu radnog mjesta tog službenika.

Zaključena je rasprava i predsjedavajuća OV konstatuje uz **Zaključak da je Vijeće primilo k znanju**

Informaciju o provođenju Strategije omladinske politike na području općine Vareš za period 2019-2024. godine za 2019.godinu.

Ad. 12.

(Tekuća pitanja.)

Predsjedavajuća OV izvijestila je Vijeće da pristigle pošte za ovu sjednicu OV nije bilo.

1. Vijećnik Igor Hinger uputio je pitanje u vezi informisanja o ekologiji, zaštiti prirodne sredine i deponijama smeća.

Sekretar OV Leon Pavlović dao je odgovor da je Vijeće jedan period imalo tu informaciju i da će pitanje biti proslijeđeno Službi za prostorno uređenje da Služba vidi da li je to još aktuelno ili nije, ili da se ide na drugačiji pristup rješavanja ovog pitanja, odnosno informisanja javnosti o ekologiji na području općine Vareš.

Predsjedavajuća OV sugerisala je da se navedeno pitanje, postavi nadležnim kao vijećničko pitanje i u skladu sa Poslovníkom o radu OV, nadležni dostave odgovor na isto.

2. Vijećnik Emir Islamović izvijestio je prisutne da je Odbor SDA raspravljao o uvredljivoj poruci od Mirnesa Ajanovića i da će Klub SDA uputiti zahtjev Etičkoj komisiji na daljnje postupanje. Želi da u narednom periodu ima se korektan odnos i da se članstvo stranke SDA ne vrijeđa.

3. Zamjenik predsjedavajuće OV Mirnes Ajanović u vezi izlaganja vijećnika Igora Hinger podsjetio je prisutne da je u prošlom periodu postajo problem dovoza smeća na općinu Vareš i da je Vijeće reagovalo po tom pitanju. O istom je dao pojašnjenje.

4. Vijećnik Dario Dodik informisao je prisutne da je unazad mjesec dana ponovo dovoženo smeće na našu općinu (sigurno sa drugih općina). Dao je pojašnjenje i sugerisao da se i o ovom problemu treba raspravljati.

5. Predsjedavajuća OV Mahira Brkić uz dato obrazloženje predložila je prijedlog zaključka i nakon kraće rasprave stavila na izjašnjavanje sljedeći

Zaključak

- 1. Upućuje se opomena pred tužbu JP ŠPD – ZDK d.o.o. Zavidovići za sva zaostala potraživanja na dan 14.01.2021. godine, a na ime naknade za šume Općine Vareš.**
- 2. Tužbeni zahtjev bit će aktiviran u slučaju da Uprava društva najdalje do 31.01.2021. godine ne održi sastanak sa Rukovodstvom Općine Vareš u smislu dogovora za eventualnu vansudsku nagodbu, a sve u cilju da se izbjegnu sudski troškovi.
Rukovodstvo Općine očekuje da Uprava društva zakaže termin sastanka.**
- 3. Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je predloženi Zaključak **jednoglasno (18 glasova „ZA“) usvojen.**

Sastavni dio ovog Zapisnika je audio zapis sjednice.
Sjednica je završena u 16,30 h.

S E K R E T A R

Leon Pavlović

**PREDSJEDAVALA
OPĆINSKOG VIJEĆA
Mahira Brkić**

ZAPISNIČAR

Azra Pijadžer